

XVI. (21.) Njeswačidlska wosada.

Wsy: 1) Njeswačidło (Neschwitz), 2) Nowa Wjes (Neudorf b. N.), 3) Holešow (Holscha), 4) Holešowska Dubrawa (Holschdubrau), 5) Šešow (Zescha), 6) Łomsk (Lomske b. N., lisć. Lumbska), 7) Liša Hora (Lissahora), 8) Dobrošecy (Dober-schütz), 9) Koslow (Casslau), 10) Łuh (Luga), 11) Nowy Łuh (Neu-Luga oder Posthorn), 12) Khasow (Quoos, w star. lisć. Quassaw), 13) Zarěč (Saritsch), 14) Łahow (Loga), 15) Wu-tołčicy (Weidlitz), 16) Banecy (Pannewitz b. N., lisć. Boha-nowitz), 17) Haslow (Dreikretscham), 18) Krónca (Krienitz), 19) Wbohow (Uebigau), 20) Bóšicy (Puschwitz), 21) Nowe Bóšicy (Neupuschwitz), 22) Łusč (tež Łusc, Lauske), 23) Nowy Łusč (Neu-Lauske), 24) Jaseńca (Jessnitz, lisć. Jasentz), 25) Nowa Jaseńca (Neu-Jessnitz), 26) Hora (Guhra), 27) Nowa Hora (Neu-Guhra), 28) Wětrow (Wetro), 29) Miłkecy (Milk-witz), 30) Wulki Přezdrěń (Gross-Brösern), 31) Mały Přezdrěń (Klein-Brösern).

Cyrkej: Kóždy njedzelu a kóždy swjaty dzeń róčnych časow je serbski a němski kemš; kóždy 6. njedzelu, hdyž je němska spowědz, je němski kemš do serbskeho, hewak přeco serbski do němskeho; na połswjatych dnjach (3 Marijne dny, Michała, Jana, wšěch japoštołow, zeleny štwórtk) a při póstnych nutnosćach wotbywa so jenož serbska Boža služba. — Serbska spowědz měwa so kóždy 1. a 2. dzeń róčnych časow, kóždy (cyły) swjaty dzeń a kóždy njedzelu (nimo kóždeje šesteje), dale na Marijnych dnjach, na Jana a Michała a zeleny štwórtk. — Kóžda (6.) nje-džela so wot wosadnych „němska njedžela“ mjenuje, dokelž je tehdy nimo němskeje spowědze tež němska Boža služba prjedy serbskeje. Hdy bě němska njedžela raz runje na róčny čas padnuła, so wona wo tydzeń wotstorči. Tuž je w přerězku wob lěto 56—57 serbskich a 8—9 němskich spowědzow. — W lěće 1872 buchu z Njeswačidlskeje wosady do Rakečanskeje wufarowane tři bliže k Rakecam ležace wsy Komorow, Jitk a Niža Wjes, přez čož je so ličba serbskich spowědných wo 1000 za lěto pomjeňšila, ličba němskich spowědných pak wosta njeprēmě-njena, dokelž su wufarowane wsy do čista serbske. — Paćeńska